

ერთის მხრივ, სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) ქ. თბილისი; ი.ჭავჭავაძის გამზირი №1, წარმოდგენილი მისი ადმინისტრაციის ხელმძღვანელის დავით ჩომახიძის სახით და მეორეს მხრივ, სს „სადაზღვევო კომპანია ჯი პი აი ჰოლდინგი“ (შემდგომში „მიმწოდებელი“) ქ. თბილისი, კოსტავას ქ.№67 წარმოდგენილი მისი გენერალური დირექტორის მინდობილი პირი, სამედიცინო დირექტორის ბესიკ ფესტვენაძის სახით, სატენდერო წინადადების საფუძველზე, თსუ ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალის (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსების, თსუ რექტორის მრჩეველთა საბჭოს წევრებისა და გაცვლით პროგრამებში მონაწილე სტუდენტების ჯანმრთელობის დაზღვევის მიზნით ელექტრონული ტენდერის (SPA150030069) ჩატარების შედეგად დებენ წინამდებარე სახელმწიფო შესყიდვის ხელშეკრულებას შემდეგზე:

**1. ხელშეკრულებაში გამოყენებული ტერმინთა განმარტებები**

- 1.1 „ხელშეკრულება სახელმწიფო შესყიდვის შესახებ“ (შემდგომ – „ხელშეკრულება“) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებული.
- 1.2 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4 „მიმწოდებელი“ ნიშნავს იურიდიულ ან ფიზიკურ პირს, რომელს აფორმებს (გააფორმა) შემსყიდველთან ხელშეკრულებას სახელმწიფო შესყიდვის შესახებ;
- 1.5 „დღე“, „კვირა“, „თვე“ ნიშნავს კალენდარულ დღეს, კვირას, თვეს.
- 1.6 მზღვეველი/მიმწოდებელი – სს „სადაზღვევო კომპანია ჯი პი აი ჰოლდინგი“
- 1.7 დამზღვევი/შემსყიდველი – სსიპ „ივანე ჯავახიშვილის სახელობის თბილისის სახელმწიფო უნივერსიტეტი“ (თსუ).
- 1.8 დაზღვეული – წინამდებარე ხელშეკრულების ფარგლებში დაზღვეული პირები - თსუ საშტატო განრიგით გათვალისწინებული პერსონალი, ემერიტუსები, რექტორის მრჩეველთა საბჭოს წევრები და გაცვლით პროგრამებში მონაწილე სტუდენტები, შტატგარეშე თანამშრომლები და მათი ოჯახის (სხვა) წევრები.
- 1.9 დაზღვეულთა სტატუსები:
  - 1.9.1 თანამშრომელი - სსიპ ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალი (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსები, თსუ რექტორი მრჩეველთა საბჭოს წევრები და გაცვლით პროგრამებში მონაწილე სტუდენტები.
  - 1.9.2 ოჯახის წევრები – თანამშრომლის (მათ შორის შტატგარეშე თანამშრომლის) მეუღლე და შვილები, თანამშრომლის მშობლები ასაკი 65 წელი, რაც (ნათესაური კავშირი) დადასტურებული უნდა იქნას საქართველოს კანონმდებლობით განსაზღვრული შესაბამისი დოკუმენტაციით.
  - 1.9.3 შტატგარეშე თანამშრომელი - სსიპ ივანე ჯავახიშვილის სახელობის თბილისის სახელმწიფო უნივერსიტეტის შტატგარეშე თანამშრომელი.
  - 1.9.4 მოსარგებლე – დაზღვეული, ხოლო სიცოცხლის დაზღვევის შემთხვევაში - მემკვიდრე, რომელიც საქართველოში მოქმედი კანონმდებლობის შესაბამისად უფლებამოსილია მიიღოს სადაზღვევო ანაზღაურება;
- 1.10 ხელშეკრულების საგანი – მზღვეველის/მიმწოდებლის ვალდებულება გაუწიოს დაზღვეულს დაზღვევით გათვალისწინებული სადაზღვევო მომსახურება;
- 1.11 ჯანმრთელობის დაზღვევის ბარათი (შემდგომში „ბარათი“) - პერსონიფიცირებული პლასტიკური ტიპის ბარათი, რომელსაც ფლობს დაზღვეული მის სასარგებლოდ ამ ხელშეკრულების საფუძველზე განხორციელებული დაზღვევის დასტურად და რომელიც მოქმედებს დაზღვეულის პირადობის დამადასტურებელ დოკუმენტთან ერთად. სადაზღვევო შემთხვევა - დაზღვეულთა ჯანმრთელობის მდგომარეობა, რომლის გაუარესებასაც წარმოადგენს დაზღვეულის მხრივ სამედიცინო დაწესებულებაში ან/და სამედიცინო კონსულტანტთან მიმართვის, ხოლო მზღვეველის/მიმწოდებლის მხრივ - სადაზღვევო

შემსყიდველი

მიმწოდებელი



ანაზღაურების გაცემის საფუძველს წინამდებარე ხელშეკრულებით (და მისი დანართების პირობებით) განსაზღვრული შემთხვევების შესაბამისად;

- 1.12 სადაზღვევო პერიოდი – 01.01.2016– 31.12.2016 24:00 საათი, რომლის განმავლობაშიც წინამდებარე ხელშეკრულებით გათვალისწინებული დაზღვევა არის ძალაში;
- 1.13 სადაზღვევო თანხა – წინამდებარე ხელშეკრულებასა და პოლისში მითითებული ანაზღაურების მაქსიმალური ლიმიტი, რომლის ფარგლებშიც მზღვეველი/მიმწოდებელი კისრულობს ვალდებულებას აუნაზღაუროს დაზღვეულს სამედიცინო მომსახურების ხარჯები;
- 1.14 სადაზღვევო პრემია – დამზღვევის/დაზღვეულის მიერ გადასახდელი სადაზღვევო პოლისის წლიური ღირებულება;
- 1.15 სადაზღვევო ანაზღაურება – დაზღვეულის ჯანმრთელობის მდგომარეობით გამოწვეული შესაბამისი სამედიცინო მომსახურების ხარჯები;
- 1.16 სავალდებულო მოთხოვნები – ხელშეკრულების მე-9 მუხლით განსაზღვრული მზღვეველისთვის შესასრულებელი მოთხოვნები.
- 1.17 გეოგრაფიული ლიმიტი – წინამდებარე დაზღვევა მოქმედებს საქართველოს ფარგლებში;
- 1.18 სამედიცინო პროვაიდერი – მზღვეველთან სახელშეკრულებო ურთიერთობაში მყოფი კონკრეტული სამედიცინო დაწესებულება (პროვაიდერი ამბულატორიული, ჰოსპიტალური, სტომატოლოგიური, სასწრაფო სამედიცინო და სააფთიაქო ქსელი), რომლებიც მზღვეველთან გაფორმებული ხელშეკრულების საფუძველზე, სადაზღვევო შემთხვევის დადგომისას უზრუნველყოფს დაზღვეულისათვის სამედიცინო ჩვენების მიხედვით წინამდებარე ხელშეკრულებით და ბარათით განსაზღვრულ სამედიცინო მომსახურებას. პროვაიდერ სამედიცინო დაწესებულებაში ოჯახის ექიმის მიმართვის საფუძველზე დაზღვეული შეუფერხებლად, ბარათში მითითებული დაზრვეულის მიერ %-ლი წილის გადახდის შემდეგ, ბარათის შესაბამისად მიიღებს სამედიცინო მომსახურებას.

## 2. ხელშეკრულების საგანი

- 2.1 სსიპ ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალის (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსების, თსუ რექტორის მრჩეველთა საბჭოს წევრებისა და გაცვლით პროგრამებში მონაწილე სტუდენტთა ჯანმრთელობის დაზღვევის მომსახურების შესყიდვა (CPV 66512220).
- 2.2 წინამდებარე ხელშეკრულება ითვალისწინებს მზღვეველის/მიმწოდებლის ვალდებულებას გაუწიოს დაზღვეულს შესაბამისი ბარათით გათვალისწინებული მომსახურება.
- 2.3 წინამდებარე ხელშეკრულებით გათვალისწინებული მომსახურებები მოცემულია №1 დანართში და მზღვეველის მიერ გაცემული ბარათით;
- 2.4 წინამდებარე ხელშეკრულების გაფორმებისას შემსყიდველი მიმწოდებელს აწვდის ინფორმაციას დაზღვეულ თანამშრომელთა სრულ სიას ცხრილის სახით (დანართი N6), ასევე გადაუზღავნის სიის ელექტრონულ ვერსიას მიმწოდებლის შეთანხმებულ ელ.ფოსტის მისამართზე, ცხრილი მოიცავს შემდეგ ინფორმაციას:
  - 2.4.1 დაზღვეულ პირთა სახელი, გვარი;
  - 2.4.2 პირადი ნომერი;
  - 2.4.3 დაბადების თარიღი, მისამართი, ტელეფონი;
  - 2.4.4 სამუშაო ადგილი და თანამდებობა;
  - 2.4.5 ოჯახის წევრის შემთხვევაში - სახელი, გვარი, დაბადების თარიღი, პირადი ნომერი, მისამართი, ტელეფონი, სტატუსი დაზღვეულ თანამშრომელთან მიმართებაში.
- 2.4.6 დანართ №2-ში მითითებული დაზღვეულ პირთა სია წარმოადგენს წინამდებარე ხელშეკრულების განუყოფელ ნაწილს, დამზღვევი/შემსყიდველი პასუხისმგებელია და პასუხისმგებლობას ადასტურებს ხელმოწერით, რომ აღნიშნული სია შესაბამეა და არ ეწინააღმდეგება ხელშეკრულების პირობებს. დანართი N6 მოწოდებული უნდა იქნას არაუგვიანეს 2016 წლის 20 დეკემბრისა.

## 3. ხელშეკრულების ღირებულება

- 3.1 ხელშეკრულების სრული ღირებულება შეადგენს 977 160,00 (ცხრაასსამოცდაჩვიდმეტიათასასამოცი) ლარს.
- 3.2 ხელშეკრულების სრული ღირებულება მოიცავს ხელშეკრულებით გათვალისწინებულ მომსახურებასთან დაკავშირებულ მიმწოდებლის ყველა ხარჯს საშემოსავლო გადასახადის გარეშე, საქართველოს კანონმდებლობით გათვალისწინებულ გადასახადებს.

შემსყიდველი



მიმწოდებელი



**4. ხელშეკრულების შესრულების კონტროლი**

- 4.1 კონტროლს, ხელშეკრულებით გათვალისწინებულ ურთიერთობებთან დაკავშირებით, განახორციელებს დამზღვევის მიერ გამოყოფილი, სპეციალური ჯგუფი (ადმინისტრაციის ხელმძღვანელის ბრძანება #89/02-01), რომელთა მიერ შემოწმდება რამდენად დაცულია ხელშეკრულების მიხედვით მზღვეველის მიერ ამ ხელშეკრულებით ნაკისრი ვალდებულებები და პირობები.
- 4.2 შემსყიდველი უფლებამოსილია ხელშეკრულებით გათვალისწინებულ ურთიერთობებთან დაკავშირებით კონტროლის მექანიზმი გამოიყენოს დაზღვეულის ცალკეული მოთხოვნის საფუძველზე.

**5. ხელშეკრულებაში ცვლილებების შეტანა**

- 5.1 ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები. ნებისმიერი ცვლილება უნდა მოხდეს მხარეთა შორის ურთიერთშეთანხმების საფუძველზე, რომელიც უნდა დაფიქსირდეს წერილობითი ფორმით.
- 5.2 შემსყიდველის მიერ დაზღვეულთა სიაში (დანართი №3) ცვლილებების განხორციელების თაობაზე - როდესაც აღნიშნული ცვლილება ეხება შემსყიდველის მიერ ახალი თანამშრომლ(ებ)ის დამატებას ან არსებული თანამშრომლის დაზღვევის გაუქმებას - ინფორმაცია მიმწოდებელს უნდა მიეწოდოს ყოველი თვის 28 რიცხვიდან თვის ბოლომდე წერილობითი ფორმით. მზღვეველი დაზღვეულ პირთა სიაში ცვლილებას განახორციელებს ყოველი მომდევნო თვის პირველი რიცხვიდან, ხოლო ახალი დაზღვეული პირებისათვის პოლისების მიწოდება მოხდება 5 დღის ვადაში ცვლილების განხორციელებიდან.
- 5.3 შემსყიდველის შტატგარეშე თანამშრომლის ან/და მისი ოჯახის წევრების, სადაზღვევო პაკეტის შექმნა, მისი გაგრძელება შემსყიდველის მიერ ხდება დამზღვევის მზღვეველისათვის წერილობითი შეტყობინების საფუძველზე სახელშეკრულებო პერიოდის დაწყებიდან პირველი ორი თვის განმავლობაში (25.12.2015წ.-25.02.2016წ). აღნიშნულის შესახებ, შემსყიდველის მიერ მიმწოდებლის ინფორმირების შემდეგ ამ პირების დაზღვევა ძალაში შევა მომდევნო თვის პირველი რიცხვიდან.
- 5.4 შემსყიდველის მიერ დაზღვეულ თანამშრომელს (საშტატო განრიგით გათვალისწინებული პერსონალი (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსები, თსუ რექტორი მრჩეველთა საბჭოს წევრები და გაცვლით პროგრამებში მონაწილე სტუდენტები) შეუძლიათ:
  - ა) დააზღვიოს ოჯახის წევრები, წინამდებარე ხელშეკრულებით გათვალისწინებული ანალოგიური პირობებით, აღნიშნული დაზღვევისთვის განსაზღვრული პრემიის 10 %-იანი ფასდაკლებით, სადაზღვევო შენატანს (43,11 ორმოცდასამი ლარი და თერთმეტი თეთრი) უზრუნველყოფს დაზღვეული.
- 5.5 დააზღვიოს თსუ-ს შტატგარეშე მომუშავე თანამშრომლები და მათი ოჯახის წევრები, შვილი/შვილები, მშობელი/მშობლები წინამდებარე ხელშეკრულების ანალოგიური პირობებით, აღნიშნული დაზღვევისთვის განსაზღვრული პრემიის 10 %-იანი ფასდაკლებით, სადაზღვევო შენატანს (43,11 ორმოცდასამი ლარი და თერთმეტი თეთრი) უზრუნველყოფს დაზღვეული.
- 5.6 სადაზღვევო პერიოდის განმავლობაში დაზღვეულის სურვილის შესაბამისად მზღვეველმა უნდა უზრუნველყოს ახლადშემენილი ოჯახის წევრის დამატება (მეუღლე ან/და შვილი, რომელთან ნათესაური კავშირი დასტურდება შესაბამისი დოკუმენტაციით) შესაძლებელია ხელშეკრულების მოქმედების მთელი პერიოდის განმავლობაში. აღნიშნულის შესახებ, მზღვეველი დაზღვეულ პირთა სიაში ცვლილებას განახორციელებს ხელშეკრულების 5.2 პუნქტის შესაბამისად.

**6. უფლებების გადაცემა**

- 6.1 მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული მიმწოდებლის უფლება-მოვალეობანი.

**7. ხელშეკრულების მოქმედების ვადა და ხელშეკრულების შეწყვეტა**

- 7.1 წინამდებარე ხელშეკრულება ძალაში შედის 2016 წლის 01 იანვრიდან და მოქმედებს 2016 წლის 31 დეკემბრის ჩათვლით.
- 7.2 შემსყიდველს შეუძლია მიიღოს გადაწყვეტილება ხელშეკრულების მოქმედების შეწყვეტის შესახებ, მიმწოდებლის მიერ ხელშეკრულების ნებისმიერი პირობის/პირობების დარღვევის შემთხვევაში.
- 7.3 იმ შემთხვევაში თუ მზღვეველი არ შეასრულებს ან არაჯეროვნად შეასრულებს ხელშეკრულებით გათვალისწინებულ ვალდებულებებს, შემსყიდველს უფლება აქვს შეწყვიტოს ხელშეკრულება, ნაკისრი ვალდებულებების შეუსრულებლობის ან არაჯეროვანი შესრულების გამო.
- 7.4 შემსყიდველი ხელშეკრულების მოქმედების შეწყვეტის გადაწყვეტილების მიღებისას ვალდებულია შეატყობინოს მიმწოდებელს მიღებული გადაწყვეტილება, მისი მიღების საფუძველი და ამოქმედების

შემსყიდველი



მიმწოდებელი



თარიღი. აღნიშნული შეტყობინება უნდა მიეწოდოს მიმწოდებელს გადაწყვეტილების ძალაში შესვლამდე 2(ორი) კვირით ადრე.

- 7.5 შემსყიდველის მიერ ხელშეკრულების პირობების შეუსრულებლობის შემთხვევაში მეორე მხარეს მიმწოდებელს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.
- 7.6 მიმწოდებელი ხელშეკრულების ან მისი ცალკეული პირობის მოქმედების შეწყვეტის გადაწყვეტილების მიღებისას ვალდებულია შეატყობინოს შემსყიდველს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს შემსყიდველს გადაწყვეტილების ძალაში შესვლამდე 2(ორი) კვირით ადრე.
- 7.7 ხელშეკრულება შეიძლება შეწყდეს მხარეთა შორის ურთიერთშეთანხმების საფუძველზე ნებისმიერ დროს. შეწყვეტის შემთხვევაში, ხელშეკრულებით ნაკისრი ვალდებულებები გრძელდება, მხოლოდ შეწყვეტამდე არსებულ სადაზღვევო შემთხვევებზე/სადაზღვევო პრემიის გადახდაზე, მიმდინარე პროცედურების/ანგარიშსწორების დასრულების მიზნით. ასეთ შემთხვევაში დაზღვეულები სარგებლობენ წინამდებარე ხელშეკრულებით გათვალისწინებული პირობებით.

## 8. მხარეთა უფლება – მოვალეობები

### 8.1 მზღვეველი/მიმწოდებელი ვალდებულია:

- 8.1.1 ხელშეკრულების გაფორმებიდან და დაზღვეულ პირთა სრული სიის მიღებიდან (დანართი N2) 5 (ხუთი) სამუშაო დღის განმავლობაში სიის მიხედვით გასცეს შესაბამისი ბარათები, რომლის მოქმედების ვადა განისაზღვრება 01.01.2016 – 31.12.2016 პერიოდი;
- 8.1.2 ოჯახის ექიმის მიმართვის საფუძველზე სამედიცინო მომსახურების მიღების შემთხვევაში, სამედიცინო მომსახურების ღირებულება მზღვეველის მიერ სრულად ანაზღაურდება ბარათით, განსაზღვრული ლიმიტის ფარგლებში თანაგადახდის გათვალისწინებით, პროვაიდერ სამედიცინო დაწესებულებებთან მზღვეველის მიერ პირდაპირი ანგარიშსწორებით;
- 8.1.3 უზრუნველყოს დაზღვეულის სამედიცინო მომსახურება თავისუფალი არჩევანის პრინციპის დაცვით, საქართველოს ტერიტორიაზე მოქმედ, ნებისმიერ ლიცენზირებულ სამედიცინო დაწესებულებაში ;
- 8.1.4 მზღვეველის მიერ დაზღვეულისათვის სადაზღვევო ანაზღაურებაზე უარის თქმის შემთხვევაში დაზღვეულს უარი უნდა განემარტოს წერილობითი სახით ;
- 8.1.5 მზღვეველთან შეთანხმებით და დანართი N1-ით გათვალისწინებული პირობების დაცვით, არაპროვაიდერ სამედიცინო დაწესებულებაში მიმართვისას დაზღვეული სრულად ფარავს სამედიცინო მომსახურების ღირებულებას, ხოლო გაწეული ხარჯების შესახებ შესაბამისი სამედიცინო და ფინანსური დოკუმენტაციის მზღვეველისათვის წარდგენის შემდეგ მას ეს ხარჯები სრულად უნაზღაურდება, დაზღვევის პირობებითა და განსაზღვრული წესით ბარათში მითითებული ლიმიტის ფარგლებში თანაგადახდის გათვალისწინებით.
- 8.1.6 არაპროვაიდერ სამედიცინო დაწესებულებაში სამედიცინო მომსახურების მიღებიდან 1 თვის ვადაში, დაზღვეულმა მზღვეველს უნდა წარუდგინოს შემდეგი სამედიცინო და ფინანსური დოკუმენტაცია:
  - ა) ბარათის და პირადობის მოწმობის ასლები;
  - ბ) კალკულაცია (საჭიროების შემთხვევაში);
  - გ) ფორმა № IV-100ა;
  - დ) მიღებული სამედიცინო მომსახურების ან/და ექიმის მიერ დანიშნული მედიკამენტების საფასურის საქართველოს კანონმდებლობით გათვალისწინებული გადახდის დამადასტურებელი დოკუმენტები;
  - ე) დაზღვეულის საბანკო რეკვიზიტები;
- 8.1.7 მზღვეველმა უნდა უზრუნველყოს დაზღვეულის მიერ, როგორც ოჯახის ექიმის მიმართვის წარდგენის საფუძველზე, ასევე ნებისმიერ ლიცენზირებულ სამედიცინო დაწესებულებაში მომსახურების მიღებისას გადახდილი საფასურის დამადასტურებელი სამედიცინო და ფინანსური დოკუმენტების სისწორის დადგენა წარდგენისთანავე. ხარვეზის აღმოჩენის შემთხვევაში, მიუთითოს დაზღვეულს მაშინვე და განუსაზღვროს ვადა მის აღმოსაფხვრელად არანაკლებ 3 (სამი) სამუშაო დღისა ხარვეზის აღმოჩენიდან (დოკუმენტაციის წარდგენიდან).
- 8.1.8 8.1.6-ი პუნქტით განსაზღვრული დაზღვეულის მიერ წარდგენილი სრულყოფილი დოკუმენტაცია მზღვეველმა უნდა განიხილოს და მოახდინოს დაზღვეულისათვის ხარჯების ანაზღაურება წარდგენიდან არაუგვიანეს 14 კალენდარულ დღეში ნაღდი ან/და უნაღდო ანგარიშსწორებით.
- 8.1.9 დაზღვეულის მიერ 8.1.6-ი პუნქტით განსაზღვრულ ვადაში, სრულყოფილი დოკუმენტაციის წარმოდგენლობის შემთხვევაში, მზღვეველი არ ანაზღაურებს სამედიცინო მომსახურების ხარჯებს.
- 8.1.10 იმ შემთხვევაში, თუ დამზღვევეს 1 (ერთი) კალენდარული თვის განმავლობაში წერილობით მიმართავს არანაკლებ 20 დაზღვეული პრეტენზიით, მზღვეველის მიერ მითითებულ სააფთაქო ქსელში 80%-იანი

შემსყიდველი

მიმწოდებელი



დაფარვით, შესაბამისი მოთხოვნისას მედიკამენტების არარსებობის შესახებ, ან ანალოგიური მიმართების როდენობა წინამდებარე ხელშეკრულების მოქმედების პერიოდში გადააჭარბებს 80-ს, მზღვეველი ვალდებულია შეცვალოს თავის მიერ მითითებული 80%-იანი დაფარვის სააფთიაქო ქსელი სხვა ქსელით ან დაამატოს სხვა ქსელი მისი შეცვლის გარეშე, დამზღვევის რეკომენდაციის შესაბამისად.

**8.2 მზღვეველი/მიმწოდებელი უფლებამოსილია:**

8.2.1 დაზღვეულის, შრომითი ხელშეკრულების შეწყვეტის შემთხვევაში (გარდა გარდაცვალებისა და დისციპლინური გადაცდომისა), ასევე მის ოჯახის წევრებს სადაზღვევო მომსახურება უნდა გაუგრძელდეთ ხელშეკრულების მოქმედების პერიოდში, თუ აღნიშნული პირი შრომითი ხელშეკრულების შეწყვეტიდან 1(ერთი) კვირის განმავლობაში ერთჯერადად, სრულად გადაიხდის დარჩენილი სადაზღვევო პერიოდის მიხედვით სადაზღვევო პრემიას.

**8.3 დამზღვევი/შემსყიდველი ვალდებულია:**

- 8.3.1 გადაიხადოს სადაზღვევო პრემია მზღვეველთან/მიმწოდებელთან შეთანხმებული წესის მიხედვით;
- 8.3.2 საჭიროების შემთხვევაში გადასცეს მზღვეველს/მიმწოდებელს დაზღვეულის შრომითი ხელშეკრულების ასლი.
- 8.3.3 ხელი შეუწყოს მზღვეველის/მიმწოდებლის მიერ სადაზღვევო შემთხვევის დადგომასთან და მის შედეგებთან დაკავშირებული მონაცემების მოკვლევა-მოძიებას;
- 8.3.4 სადაზღვევო მომსახურების კოორდინაციისა და ხარისხის მუდმივი კონტროლის მიზნით გამოყოს მზღვეველთან/მიმწოდებელთან საკონტაქტო პირი;
- 8.3.5 სამედიცინო მომსახურების საჭიროების შესახებ დაზღვეულმა, ან ნებისმიერმა სხვა დაინტერესებულმა პირმა წინასწარ ან სამედიცინო მომსახურების დასრულებამდე უნდა შეატყობინოს მზღვეველს სადღეღამისო სატელეფონო საინფორმაცო სამსახურის საშუალებით **ტელეფონზე 2 505 111** მომსახურების შემთხვევაში, როდესაც შეტყობინება ობიექტური პირობებით შეუძლებელია, ასეთი შეტყობინება უნდა გაკეთდეს სამედიცინო მომსახურების დასრულებამდე ან არაუგვიანეს მომსახურების მიღებიდან 24 სთ-ისა;
- 8.3.6 გადაუდებელი (ურგენტული) ჰოსპიტალური მომსახურების საჭიროების შემთხვევაში, როდესაც წინასწარი შეტყობინება ობიექტური პირობებით შეუძლებელია, ზემოხსენებული შეტყობინება უნდა გაკეთდეს არა უგვიანეს 48 სთ-ის შემდეგ მაინც.

**8.4 დამზღვევი/შემსყიდველი უფლებამოსილია:**

- 8.4.1 სადაზღვევო შემთხვევის დადგომისას მოითხოვოს მზღვეველისაგან/მიმწოდებლისგან სადაზღვევო ანაზღაურება წინამდებარე ხელშეკრულების შესაბამისად;
- 8.4.2 ბარათის დაკარგვის ან განადგურების შემთხვევაში, მოსთხოვოს მზღვეველს/მიმწოდებელს დაკარგული ბარათის სანაცვლოდ ახალი ბარათის გაცემა. ამ პროცედურასთან დაკავშირებულ ხარჯებს იღებს დაზღვეული/
- 8.4.3 ანალოგიური პირობებით, დააზღვიოს შტატგარეშე თანამშრომელი
- 8.4.4 შრომითი ხელშეკრულების შეწყვეტისა და მის მიერ დაზღვეულის მოთხოვნის შემთხვევაში მიიღოს გადაწყვეტილება ამ დაზღვეულის მიმართ დაზღვევის მოქმედების შეწყვეტის შესახებ,
- 8.4.5 საჭიროების შემთხვევაში დამზღვევი/შემსყიდველი უფლებამოსილია მოითხოვოს და მიიღოს ინფორმაცია დაზღვეული პირების მიმართვიანობის სტატისტიკური მონაცემების შესახებ.
- 8.4.6 იმ შემთხვევაში თუ მზღვეველი არ შეასრულებს ან არაჯეროვნად შეასრულებს ხელშეკრულებით ნაკისრ ვალდებულებებს ხელშეკრულება ვადაზე ადრე შეწყდება თსუ-ს მხრიდან მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების გამო.

**8.5 დაზღვეული ვალდებულია:**

- 8.5.1 შეატყობინოს მზღვეველს/მიმწოდებელს ბარათში/წინამდებარე ხელშეკრულებაში მითითებულ ნომერზე სადაზღვევო შემთხვევის დადგომის შესახებ (გარდა იმ შემთხვევებისა, როდესაც ობიექტური გარემოებების გამო შეტყობინება შეუძლებელია), წინამდებარე ხელშეკრულებით გათვალისწინებული პირობების დაცვით;
- 8.5.2 დაზღვეული ვალდებულია მზღვეველს/მიმწოდებელს მიაწოდოს უფლება მოიძიოს და გაეცნოს საქართველოს კანონმდებლობით გათვალისწინებულ ყველა იმ დოკუმენტაციას, რომელსაც მზღვეველი/მიმწოდებელი ჩათვლის საჭიროდ სადაზღვევო ანაზღაურებისათვის. წინააღმდეგ შემთხვევაში მზღვეველი/მიმწოდებელი იტოვებს უფლებას არ აანაზღაუროს სამედიცინო მომსახურების ხარჯები.

შემსყიდველი



მიმწოდებელი



**8.6 დაზღვეული უფლებამოსილია:**

- 8.6.1 წინამდებარე ხელშეკრულების პირობების დაცვით წაუყენოს მზღვეველს/მიმწოდებელს განცხადებული პრეტენზია;
- 8.6.2 წინამდებარე ხელშეკრულების პირობების გათვალისწინებით მიიღოს სადაზღვევო ანაზღაურება.

**9. სავალდებულო მოთხოვნები:**

- 9.1 სადაზღვევო პრემიის ღირებულება ერთი თანამშრომლისათვის თვეში (სადაზღვევო ლიმიტი), ეხება თსუ-ს თანამშრომელს ასაკის შეუზღუდავად.
- 9.2 ოჯახის წევრები გულისხმობს - მეუღლეს, შვილებს და მშობლებს - ასაკი 65 წლამდე.
- 9.3 საშტატო განრიგით გათვალისწინებული და შტატგარეშე (დაზღვეული) პერსონალის ოჯახის წევრებზე უნდა გავრცელდეს დაზღვევის ანალოგიური პირობებით 10%-იანი ფასდაკლებით, რაოდენობის შეუზღუდავად, სადაზღვევო შენატანს უზრუნველყოფს დაზღვეული.
- 9.4 თსუ-ს შტატგარეშე მომუშავე თანამშრომელთა ასაკი - შეუზღუდავად, დაზღვევა უნდა გავრცელდეს დაზღვევის ანალოგიური პირობებით, 10%-იანი ფასდაკლებით, რაოდენობის შეუზღუდავად, სადაზღვევო შენატანს უზრუნველყოფს დაზღვეული.
- 9.5 ყველა სხვა სადაზღვევო შემთხვევა რაც გამონაკლისებში არ მოიაზრება, მათ შორის დაზღვევამდე არსებული დაავადებების მკურნალობის, დაზღვევის პერიოდში მიმდინარე ორსულობის მონიტორინგის და მშობიარობის ხარჯები, ქრონიკული დაავადებების მკურნალობა ექვემდებარება წინამდებარე დაზღვევით დაფარვას სადაზღვევო პაკეტის პირობების შესაბამისად.
- 9.6 საავადმყოფო ფურცლის (ბიულეტენის) გაცემის შესაძლებლობა ოჯახის ექიმის მიერ.
- 9.7 საჭიროების შემთხვევაში პირადი ექიმის მიერ დაზღვეულზე ფორმა № IV-100ა-ს გაცემა კანონმდებლობით გათვალისწინებული წესების სრული დაცვით.
- 9.8 თსუ-ს ორ სამედიცინო პუნქტში ( VIII და მალღივ (X) კორპუსებში) ოჯახის ექიმის განთავსება.
- 9.9 ფიზიოთერაპია, ჰიდროთერაპია, მასაჟი, ფიტნესი არანაკლებ -30%-იან ფასდაკლებით პროვაიდერ კლინიკებში
- 9.10 სადაზღვევო კომპანიის მიერ განსხვავებული სადაზღვევო პაკეტი. თსუ -ს თანამშრომლებისა და შტატგარეშე (დაზღვეული) პერსონალის ოჯახის წევრებისათვის საბაზისო პაკეტით განსაზღვრულ პრემიაზე -30%-იანი ფასდაკლებით( 33,53 ლარი), დაზღვევის ანალოგიური პირობებით.

**10 პროვაიდერი სამედიცინო დაწესებულებები**

- 10.1 დაზღვეულთა სამედიცინო მომსახურება ხორციელდება ბარათის საფუძველზე, მზღვეველთან ხელშეკრულებით დაკავშირებულ (პროვაიდერ) სამედიცინო დაწესებულებებში. პროვაიდერი დაწესებულებების ჩამონათვალი და ზუსტი საკონტაქტო ინფორმაცია ხელშეკრულებას თან ერთვის (დანართი N1.1) .
- 10.2 მზღვეველი/ მიმწოდებელი უფლებამოსილია ხელშეკრულების მოქმედების პერიოდში შეცვალოს ერთი ან რამოდენიმე სამედიცინო პროვაიდერი, რის შესახებაც ეცნობება დამზღვევეს/შემსყიდველს ერთი თვით ადრე.

**11 ანგარიშსწორება, ფასები**

- 11.1 სახელშეკრულებო ღირებულების ფარგლებში განხორციელდება სსიპ ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალის (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსების, თსუ რექტორი მრჩეველთა საბჭოს წევრებისა და გაცვლით პროგრამებში მონაწილე სტუდენტების არაუმეტეს - 1700 პირი. ასევე აუცილებლობის შემთხვევაში, უზრუნველყოფილი იქნება შტატგარეშე თანამშრომელთა და ორივე სახის თანამშრომელთა ოჯახის წევრების სადაზღვევო პრემიის ანაზღაურება.
- 11.2 ხელშეკრულების 11.1 პუნქტით განსაზღვრულ 1700 პირზე, დამზღვევის მიერ მზღვეველისათვის გადასახდელი სადაზღვევო თანხის ოდენობა ერთი დაზღვეულისთვის შეადგენს **47,90 (ორმოცდაშვიდი ლარი და ოთხმოცდაათი თეთრი) ლარს.**
- 11.3 ხელშეკრულების ფარგლებში დამზღვევის მიერ სადაზღვევო თანხის გადახდა განხორციელდება უნაღდო ანგარიშსწორების ფორმით, ყოველთვიურად, არაუგვიანეს ყოველი თვის 05 რიცხვისა, დაზღვეულთა სიასთან ერთად წარდგენილი ინვოისის საფუძველზე. ანგარიშსწორებმა მოხდება ამ დოკუმენტის წარმოდგენიდან 15 (თხუთმეტი) სამუშაო დღის ვადაში. შესაბამისი ანგარიშსწორების დოკუმენტში მიეთითება დამზღვევის მიერ შესაბამის თვეში გადასახდელი სადაზღვევო პრემიის ოდენობა წინამდებარე ხელშეკრულების 11.1 პუნქტის შესაბამისად, დაზღვეულ პირთა ოდენობის გათვალისწინებით.

შემსყიდველი



მიმწოდებელი



- 11.4 ხელშეკრულების 1.9.2 და 1.9.3 პუნქტით განსაზღვრულ თითოეულ დაზღვეულ პირზე, ვრცელდება დაზღვევის ანალოგიური პირობები ყოველთვიურ სადაზღვევო თანხაზე 10%-იანი ფასდაკლებით, რაც შეადგენს 43,11 (ორმოცდასამი ლარი და თერთმეტი) ლარი სადაზღვევო შენატანს უზრუნველყოფს დაზღვეული.
- 11.5 დამზღვევი/შემსყიდველი უზრუნველყოფს თსუ-ს შტატგარეშე თანამშრომლებისა და დაზღვეულის მიერ ოჯახის წევრთა დაზღვევისათვის გადასახდელი ყოველთვიური სადაზღვევო პრემიის გადმორიცხვას შესაბამის თვეში.
- 11.6 მზღვეველი ვალდებულია წარმოადგინოს ორი ინვოისი, კერძოდ: (1) შემსყიდველის მიერ დაზღვეულ პირებზე (არაუმეტეს 1700 პირი); და (2) თსუ-ს შტატგარეშე თანამშრომელი და ორივე სახის თანამშრომელთა ოჯახის წევრებზე.

**12 ხელშეკრულების შესრულების გარანტია**

- 12.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების პირობების შეუსრულებლობის გამო, გამოყენებული იქნება საბანკო გარანტია ხელშეკრულების ღირებულების 5 % -ის ოდენობით.
- 12.2 მიმწოდებლის მიერ წარმოდგენილი გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.
- 12.3 შემსყიდველი ვალდებულია მიმწოდებელს დაუბრუნოს გარანტია შემდეგ შემთხვევებში:
- ა) გარანტიის მოქმედების ვადის გასვლისთანავე;
  - ბ) მიმწოდებლისაგან დამოუკიდებელი მიზეზების გამო ხელშეკრულების შეწყვეტისას;
  - გ) მიმწოდებლის მიერ ხელშეკრულებით ნაკისრი ვალდებულებების სრულად შესრულებისა;
  - დ) კანონმდებლობით გათვალისწინებულ სხვა შემთხვევებში.

**13 ხელშეკრულების პირობების შეუსრულებლობა**

- 13.1 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე აგებენ პასუხს საქართველოს მოქმედი კანონმდებლობის შესაბამისად.
- 13.2 მზღვეველის მხრიდან ხელშეკრულების პირობების შეუსრულებლობის შემთხვევაში, როდესაც აღნიშნულმა გამოიწვია დაზღვეული თანამშრომლის ზარალი (როგორც ფინანსური, ასევე ჯანმრთელობის მდგომარეობის გაუარესება) მზღვეველი სრულად 100%-ით ანაზღაურებს ფინანსურ ზარალს დაზღვეული თანამშრომლის წინაშე
- 13.3 შემსყიდველი უფლებამოსილია მიმწოდებლის მიზეზით გამოწვეული მომსახურების გაწევის ვადის გადაცილების შემთხვევაში დააკისროს მიმწოდებელს ჯარიმა ყოველ ვადაგადაცილებულ დღეზე გასაწევი მომსახურების ღირებულების 0.1%-ის ოდენობით.
- 13.4 ხელშეკრულებით ნაკისრი ვალდებულებების სისტემატიურად შეუსრულებლობის შემთხვევაში, შემსყიდველი უფლებამოსილია შეწყვიტოს წინამდებარე ხელშეკრულება და დააკისროს მიმწოდებელს ჯარიმის გადახდა - ხელშეკრულების ღირებულების 2 %-ის ოდენობით.
- 13.5 გადახდის ვადის გადაცილების შემთხვევაში მიმწოდებელი უფლებამოსილია, დააკისროს შემსყიდველს ჯარიმის გადახდა ყოველ ვადაგადაცილებულ დღეზე გადასახდელი თანხის 0.1%-ის ოდენობით.
- 13.6 მზღვეველს უფლება არა აქვს შეცვალოს ან შეამციროს პროვაიდერი კლინიკების რაოდენობა დამზღვევის თანხმობის გარეშე.
- 13.7 მზღვეველის მხრიდან 13.6 პუნქტის დარღვევის შემთხვევაში, შემსყიდველი აფრთხილებს მზღვეველს, ხოლო ასეთი დარღვევის გამოვრების შემთხვევაში, დამზღვევი უფლებამოსილია დააყენოს ხელშეკრულების შეწყვეტის საკითხი და/ან დააკისროს მზრვეველს ჯარიმა, ყოველ შეცვლილ პროვაიდერზე 1000 ლარის ოდენობით.

**14 დავების გადაწყვეტა**

მხარეთა შორის წარმოშობილი სადაო საკითხები გადაწყდება ურთიერთშეთანხმებით, ხოლო შეუთანხმებლობის შემთხვევაში, დავები გადაწყდება საქართველოს საერთო სასამართლოში, საქართველოს მოქმედი კანონმდებლობის შესაბამისად.

**15 ფორს-მაჟორი**

15.1 მხარეები თავისუფლდებიან პასუხისმგებლობისაგან დაკისრებულ მოვალეობათა ნაწილობრივ ან სრულად შეუსრულებლობისთვის დაუძლეველი ძალის ზემოქმედებით გამოწვეული გარემოებების შემთხვევაში, ამ გარემოებათა არსებობის განმავლობაში.

შემსყიდველი



მიმწოდებელი



- 15.2 დაუძლეველი ძალა გულისხმობს: ომსა და საბრძოლო მოქმედებებს, სტიქიურ უბედურებებს, ხანძარს, გაფიცვებს, სამოქალაქო არეულობას, საკანონმდებლო ცვლილებებს.
- 15.3 დაუძლეველი ძალის მოვლენის დადგომის შემთხვევაში მხარემ, რომლისთვისაც შეუძლებელი ხდება წაკისრი ვალდებულებების შესრულება, დაუყოვნებლივ წერილობით მიმართავს მეორე მხარეს ამის შესახებ.
- 15.4 მხარე არ თავისუფლდება პირობებისაგან, თუ კი ფორს-მაჟორული მოვლენის დადგომა გამოწვეულია მისი ძალით, ან წაკისრ ვალდებულებათა შესრულება შესაძლებელი იყო ფორს მაჟორული გარემოებათა დადგომამდე წინამდებარე ხელშეკრულებით განსაზღვრულ ვადებში.

**16 დასკვნითი დებულებები**

- 16.1 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ იმ შემთხვევაში, თუ შედგენილია წერილობითი ფორმით და ხელმოწერილია ორივე მხარის მიერ, რის შემდეგაც ისინი წარმოადგენენ ხელშეკრულების განუყოფელ ნაწილს.
- 16.2 წინამდებარე ხელშეკრულების თანახმად, სახელშეკრულებო პირობები ატარებენ კონფიდენციალურ ხასიათს და ამ ხელშეკრულებასთან დაკავშირებული ყოველგვარი ინფორმაცია მესამე პირს (პირებს) გადაეცემა(თ) საქართველოს მოქმედი კანონმდებლობით დადგენილი წესით, ასევე, მხარეთა მიერ წერილობით გათვალისწინებულ შემთხვევებში.
- 16.3 წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად დამზღვევისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
- 16.4 შემთხვევებში, რომლებიც არ არის გათვალისწინებული წინამდებარე ხელშეკრულებით, მხარეები იხელმძღვანელებენ საქართველოს მოქმედი კანონმდებლობით. კანონმდებლობაში მომხდარი ცვლილებების შედეგად ხელშეკრულების რომელიმე პუნქტის ბათილად ან ძალადაკარგულად გამოცხადების შემთხვევაში, ხელშეკრულების დანარჩენი პუნქტები ძალაში რჩება.
- 16.5 წინამდებარე ხელშეკრულება შედგენილია ქართულ ენაზე, იურიდიული ძალის მქონე 3(სამ) ეგზემპლარად. ერთი ეგზემპლარი გადაეცემა მიმწოდებელს, 2(ორი) შემსყიდველს.
- 16.6 წინამდებარე ხელშეკრულებას თან ახლავს შემდეგი 7(შვიდი) დანართი:
  - 1) ტექნიკური დავალება (დანართი № 1);
  - 2) პროვაიდერი სამედიცინო დაწესებულებათა სია (დანართი № 1.1);
  - 3) მინდობილობა (დანართი № 2);
  - 4) დაზღვეულთა სია (დანართი № 3);
 ყველა დანართი წარმოადგენს წინამდებარე ხელშეკრულების განუყოფელ ნაწილს.

**17 მხარეთა იურიდიული მისამართები და საბანკო რეკვიზიტები**

შემსყიდველი  
მისამართი:  
ქ.თბილისი; ი.ჭავჭავაძის გამზ. №1  
რეკვიზიტები:  
სახაზინო საშსახური  
თსუ საკუთარი სახსრები  
საიდენტიფიკაციო კოდი: 204864548  
თსუ ადმინისტრაციის ხელმძღვანელი  
  
დ.რომაშიძე  
თსუ საფინანსო დეპარტამენტის უფროსი  
თსუ იურიდიული დეპარტამენტის უფროსი

მიმწოდებელი  
მისამართი:  
ქ.თბილისი; კოსტავას ქ. 67  
საბანკო რეკვიზიტები:  
სს „თიბისი ბანკი“, მარჯანიშვილის ფილიალი  
ა/ა N GE GE13TB1100000005700652  
ბანკის კოდი: TBCBGE22  
საიდენტიფიკაციო კოდი: 204426674  
დირექტორი:  
ბ. ფესტვენიძე  
ი. საღარიშვილი  
ა. კუკულავა



## ინფორმაცია ინტერესთა კონფლიქტის შესახებ

“ 24 “ დეკემბერი 2015 წ.

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ხელის მოწერით ვადასტურებ, რომ სსიპ – ივანე ჯავახიშვილის სახელობის თბილისის სახელმწიფო უნივერსიტეტის (თსუ) საშტატო განრიგით გათვალისწინებული პერსონალის (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსების, თსუ რექტორის მრჩეველთა საბჭოს წევრებისა და გაცვლით პროგრამებში მონაწილე სტუდენტთა ჯანმრთელობის დაზღვევის CPV 66512200 სახელმწიფო შესყიდვის მიზნით 2015 წლის 10 ნოემბერს გამოცხადებულ ელექტრონულ ტენდერში SPA 150030069 მონაწილეობა არ იწვევს ინტერესთა კონფლიქტს მიმწოდებელთან სს „ჯიპიაი ჰოლდინგი“

თსუ ადმინისტრაციის ხელმძღვანელი



დ. ჩომახიძე



23 დეკემბერი 2015 წელი

ქ. თბილისი, საქართველო

**ხელშეკრულების შესრულების საბანკო გარანტია No. 12.0003235.006**

სს „კორ სტანდარტ ბანკი“, წარმოდგენილი კორპორატიული საბანკო საქმიანობის განყოფილების უფროსის, ანა ნიკოლაძის სახით, გასცემს საბანკო გარანტიას ქვემოთ მოცემული პირობების შესაბამისად:

**გარანტი:** სს „კორ სტანდარტ ბანკი“

**გარანტის იურიდიული მისამართი:** ქ. თბილისი 0162, ქეთევან წამებულის გამზ. 3.

**გარანტის საიდენტიფიკაციო კოდი:** 204546045

**პრინციპალი:** სს „სადაზღვევო კომპანია ჯი პი აი ჰოლდინგი“

**პრინციპალის იურიდიული მისამართი:** საქართველო, ქ. თბილისის, ვაკე-საბურთალოს რაიონში, კოსტავას ქ. №67

**პრინციპალის საიდენტიფიკაციო ნომერი:** 204426674

**ბენეფიციარი:** სსიპ ივანე ჯავახიშვილის სახელობის თბილისის უნივერსიტეტი

**ბენეფიციარის იურიდიული მისამართი:** საქართველო, ქ. თბილისი, ჭავჭავაძის გამზ. 1

**საგარანტიო თანხა:** 48,858 (ორმოცდარვა ათას რვაასორმოცდათვრამეტი) ლარი

**საბანკო გარანტიის მოქმედების ვადა:** 2017 წლის 01 თებერვლის ჩათვლით

ჩვენთვის ცნობილი გახდა, რომ პრინციპალმა იკისრა ვალდებულება წარმოადგინოს საბანკო გარანტია მასსა და ბენეფიციარს შორის (თსუ) საშტატო განრიგით გათვალისწინებული პერსონალის (შემოერთებული სამეცნიერო კვლევითი ინსტიტუტებისა და ეროვნული სამეცნიერო ბიბლიოთეკის გარდა), ემერიტუსების, თსუ რექტორის მრჩეველთა საბჭოს წევრებისა და გაგვლით პროგრამებში მონაწილე სტუდენტთა ჯანმრთელობის დაზღვევის სახელმწიფო შესყიდვაზე (ელექტრონული ტენდერის ნომერი: SPA150030069) გასაფორმებული ხელშეკრულების შესაბამისად მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ პრინციპალის სახელზე ზემოთ აღნიშნული გარანტია.

ზემოაღნიშნულის გათვალისწინებით, იმ შემთხვევაში თუ პრინციპალი ვერ შეასრულებს ხელშეკრულების პირობების თანახმად ნაკისრ ვალდებულებებს, ხელშეკრულებით გათვალისწინებულ ვადებში და პირობებით, სს „კორ სტანდარტ ბანკი“ კისრულობს გამოუთხოვად ვალდებულებას, ამ საბანკო გარანტიის წერილის პირობების გათვალისწინებით, ბენეფიციარის პირველივე წერილობითი მოთხოვნის მიღებიდან 5 (ხუთი) საბანკო დღის ვადაში ყოველგვარი უარყოფისა და გასაჩივრების გარეშე გადაუხადოს ბენეფიციარს ნებისმიერი თანხა ან თანხები, 48,858 (ორმოცდარვა ათას რვაასორმოცდათვრამეტი) ლარის ფარგლებში.

ბენეფიციარის წერილობითი მოთხოვნა გადახდაზე, წარმოდგენილი უნდა იქნას გარანტიის მოქმედების ვადაში, სს „კორ სტანდარტ ბანკი“-ს სათაო ოფისის კანცელარიის განყოფილებაში, შემდეგ მისამართზე: ქ. თბილისი 0162, ქეთევან წამებულის გამზ. 3.

ბენეფიციარის მიერ წარმოდგენილი წერილობითი მოთხოვნა გადახდაზე დადასტურებული უნდა იყოს ბენეფიციარის უფლებამოსილი პირის ხელმოწერით და ბეჭდით, სადაც მითითებული იქნება მოთხოვნილი თანხა და ის გარემოება რომლის გამოც მოხდება მოთხოვნის წარმოდგენა. მოთხოვნის წერილს თან უნდა ერთვოდეს შემდეგი დოკუმენტები:

- ✓ წინამდებარე საბანკო გარანტიის ასლი;
- ✓ მოთხოვნაზე ხელმოწერი პირის უფლებამოსილების დამადასტურებელი საბუთის ასლი;

წინამდებარე საბანკო გარანტია ავტომატურად უქმდება:

- ✓ საბანკო გარანტიის ვადის გასვლით;
- ✓ გარანტის მიერ საბანკო გარანტიით გათვალისწინებული თანხის ბენეფიციარისთვის სრულად გადახდით;
- ✓ ბენეფიციარის მიერ გარანტიიდან გამოქდინარე თავის უფლებებზე წერილობითი უარის თქმით ან/და საბანკო გარანტიის ორიგინალის გარანტისათვის დაბრუნებით;

წინამდებარე გარანტიაზე საქართველოს სამოქალაქო კოდექსთან ერთად მოქმედებს საერთაშორისო სავაჭრო პალატის მიერ დადგენილი უნიფიცირებული წესები მოთხოვნამდე გარანტიებზე (ჰუბლიკაცია #758). საბანკო გარანტიის თაობაზე წამოჭრილი ყველა დავის გადაწყვეტა მოხდება ურთიერთმოლაპარაკების გზით. შეთანხმების მიუღწევლობის შემთხვევაში დავა განიხილება საქართველოს კანონმდებლობის შესაბამისად.

კორპორატიული საბანკო საქმიანობის განყოფილების უფროსი  
ანა ნიკოლაძე

